

# 麻證全書

孟時痘寶鑑  
竊黃署卷



麻

證

新

書



光緒二十九年  
板存蕭滌生



南京中医药大学图书馆版权所有

麻疹全書

亨

總纂湯鼎烜

會纂

莫善承  
任伯衍

校字

許德輝  
何澤輝  
蔣至仁

蓋痘解毒麻論

痘至回水結痂之際復又發熱遍身上下通紅細看麻粒膿漿充足此乃蓋痘解毒之麻出也其名云何蓋痘者痘之上蓋一層麻也解毒者此麻一出可以解痘毒也宜以大連翹飲百零七去赤芍柴胡甘草加熟石膏天花粉淡竹葉地骨皮各一錢以清解其餘熱此等證候







補中論

麻證屬火。肺胃實熱者多。虛寒者少。千人之中。虛寒者偶有其二。故治麻俱宜先用疏散寒涼之藥者。此之謂也。而古人又有擬補中之說者。何哉。蓋指麻收之後而言。非指初熱正出正收時之謂也。緣由麻證先用寒涼之藥過多。而脾胃受傷敗壞。以致麻收之後。多得嘔吐泄瀉青色唇白身冷。當審其輕重而用補中之法。所以人參白朮白茯苓砂仁藿香陳皮薏苡仁蓮肉等味在。



所不忌。但當佐以清涼之藥。加川連、枯黃芩俱微炒而用之。夫既補中而又加清涼之品者。其義蓋恐中氣實而邪火復作。故兼用之耳。至於白朮嘔泄大甚者。用之始宜。如吐瀉輕者。則又不宜輕用。若其人素稟虛弱。宜出麻之際。過於發散。出透之後。又過用寒涼解毒。以致虛弱之極。骨瘦神疲。面無紅色。而又不能多食。食多即吐者。即急以香砂六君子湯。二十六去半夏。加麥芽、釵石斛以補之。

衾麻當分天時論

古有衾麻之說。雖近有理。然亦當分天時。如春冬嚴寒。麻爲風寒所遏。閉而不出。衾之以取汗。使腠理開。豁。曰可也。若夏秋炎暑之時。只宜令之於無風之處坐臥。以單被蓋之。勿令其冒風冒暑耳。豈可衾助。倘炎熱而用衾法。則火熱愈甚。麻必焦熱。致變壞證而不救者多矣。







忌食辛辣熱物誤用辛熱藥餌論

辛辣之味與熱湯水患麻之人多酷好之何則蓋麻屬火候火蘊於內得辛辣熱物而痰火暫快故多喜食凡患麻者須宜禁戒庶無後患如或因其酷好遂以胡椒茱萸作湯或醕酒薑蒜韭薤之類與食而順其欲暫雖快暢久則痰火益甚致麻變紫黑或二便閉結成血痢腸頭露出或生牙疳或唇口破裂或喉中痰響齁齁或五竅出血或大熱不止致胃火益甚而飲食卽吐不能



中國醫藥大學圖書館版印

下者種種惡候。因而生焉。若食乳孩子。乳母亦當禁忌。儻不禁忌。而食辛辣等物。兒食其乳。必致變證。不可不慎乎。夫患麻之人。辛辣之物。既當忌食。而治麻醫家。用藥立方。辛熱燥悍之品。慎勿妄施。如桂枝麻黃湯。獨活白芷川芎蒼朮香附萸仁白朮丁香木香砂仁肉豆蔻肉桂之類。不可輕使。若於麻初熱之時。而誤用之。反助其毒氣。壅蔽而不得出。致有內攻之患。卽有麻疹初起。而見四肢逆冷者。乃火極似水之故。不可妄投熱

藥麻現自然溫和。昔人謂天氣大寒宜用辛熱以桂枝湯一號之類發之。不知天氣大寒只宜置之煖室謹避風寒可也。且天氣縱極嚴寒而人身中之熱毒未必因天寒而減。而因天寒遽用辛熱以治麻證豈理也哉。庸工執泥歲氣時令大寒宜用辛熱之藥發之之說。譬諸麻證初出而有嘔吐。醫不知此爲常候而用蒼朮以平胃。丁香砂仁以煖胃。譬有頭疼而用川芎白芷羌活獨活以治頭疼。譬有手足稍冷者遂卽用桂枝肉桂以溫其

手足。殊不知麻證之作嘔吐者。乃火熱蒸於胃也。頭疼者。乃火毒上攻也。今反以辛溫之藥攻之。是猶抱薪救火也。醫家不明。而謂桂枝可達於四肢之末。肉桂可以溫經回陽而遽用之。是誤之又誤。陷人性命。良可歎也。執天寒而用辛熱之說者。何殊乎是。倘有誤服辛熱之藥。助其邪火。煩渴便閉。致麻不出。危篤之極者。以清陽湯。夏十四去升麻。桔梗。甘草。主之。愚按邪火內攻。渴煩致麻不出。而兼有便閉者。加黑白丑牛以下之。是亦金



底抽薪之義也。

或成水蓄論



XINING UNIVERSITY OF CHINESE MEDICINE  
1964  
Xining University of Chinese Medicine Library





口渴恣飲致成水蓄論

麻證原是火邪。心火內亢。肺焦胃枯。津液乾涸。發熱之時。未有不渴。不可以冷水與飲。只宜以萊豆或芝蔴或陳炒米煎湯飲之。治法宜生津解毒。以加味人參白虎湯。二百八十九去人參甘草糯米加連翹牛蒡子元參主之。若任其恣飲冷水。必生水蓄之病。如水入肺。則爲喘。爲咳。宜用葶藶以瀉肺中之水。如水入脾。則爲腫。爲脹。爲自利。水入胃。則爲嘔。爲噦。宜用猪苓澤瀉以瀉脾胃之

水。如水入心。則爲驚。爲悸。宜用木通。赤苓。以瀉心中之  
水。如水入肝。則爲脇痛。宜用陳芫花。以瀉肝中之水。如  
水入腎與膀胱。則小便不利。宜用車前子。木通。以瀉腎  
與膀胱之水。如有腹脹不食者。乃本虛實滯。爲敗證。而  
難治也。

利未育。不勝。不可。以。命。水。與。瀉。只。宜。以。菜。豆。薏。苡。蓮。子。  
和。鯨。魚。鱗。火。尿。心。火。內。宜。補。熱。胃。計。寧。動。薄。斷。絕。熱。之。  
口。鼻。赤。澀。涎。如。水。蓄。結。

